

KRONIKA. Herenegun euriarekin izandako arazoak konpondurik zeuden atzoko; urdurialdiak ere urrundu ziren

Salmenta ugariak eta jendea neurrian

Larunbata izateko, espero zen baino jende gutxiago bildu zen; hala ere, arratsaldean, karpak jende multzo handiak hartu zituen

Ainara Gorostitu | DURANGO

Larunbatak bereziak izan ohi dira Durangoko azokan. Liburu eta disko aleak bezainbeste pertsona bildu ohi dira karpapean. Larunbata zen atzo, eta etorri zen jendea; jendetza bildu zen, baina ez Durangoko azokari dagokion adinakoa. Kaleetan ibil zitekeen; nekeza zen, baina posible.

Goizean goiz, ez zen mugimendu handirik sumatzen: salgaiak lasai begira zitezkeen, eta egilearekin solasean aritzeko astia bazegoen. Arratsalde partean, bete egin zen karparen barrualdea.

Euria leku apalagoan gelditu zen, eta aurreko egunetako irudirik ez zen errepikatu atzo.

Salmentarako egun aproposa

Lau egun igaro dira dagoeneko, eta argitaletxeetan sumatzen hasia da disko eta liburu batzuen arrakasta. Pamielaren kasuan, «dudarik gabe, Edorta Agirreren *Almanaka 2003, ase eta gose* lan erraldoia» da salduena, Aingeru Epaltzaren *Urtegi jauna* haur liburuaren alboan, Pello Elizabururen arabera.

Mikrofonoa oso urrun utzi gabe, Luzien Etchezaharretak azaldu zigun Itxaro Bordaren *Hautsak errautsa bezain* dela gehien eskatzen dena Maiatzen. «Gainera, badugu arazo bat, ez ditu-

ARRAKASTA

Sumatzen hasia da zein diren liburu eta disko izarrak. Egileak azokan egoteak areagotu egiten ditu salmentak

gu aski ekarri Baionatik». Maiatz aldizkariaren 36. alea ere eskatzen du jendeak.

Susa argitaletxean, poesia saldu da orain arte gehien, Gorka Arresek azaldu zuenez; XX. mendeko kaierak batez ere, Igor Estankonaren *Tundra*-ren alboan. Eleberrietan, berriz, Xabier Mendigurenen *16 ipuin amodiozko* eta Josu Landaren *Odolbidea* izan dira arrakastatsuenak. Bestalde, Elkarren «lehen bi egun galduen ostean, *Harry Potter*ren laugarren lan luzea» saldu zen «oso ondo», Txantxon Zubeldiak jakinarazi zigunez. Helduen literaturan, Unai Elorriagaren *SPrako tranbia*, Joan Mari Irigoien *Ipuin batean bezala* eta Jon Arretxeren *Ekialdeko mamuak* izan dira arrakastatsuenak.

Txalapartan, Eider Rodriguezek azaldu zigunez, «egile askoren artean egindako *Marihuana*zko bufandak eta Tolkienen *Eratzunen jauna* saldu dira gehien». Alberdaniako liburu

arrakastatsuenak, «alde handiz», Anjel Lertxundiren *Zorion perfektua* izan da, Hasier Etxeberriaren lanaz eta Pello Salabururenaz gain; Iban Zalduaren saia-kera ere ongi mugitu zen. Ereinen, Toti Martinez de Lezearen *Euskal Herriko leiendak* eta Aritz Gorrotxategiren *Galtzontziloak autobusean zintzilik* saldu ziren ondoena.

Musikan ere salmenta onak

Anjel Valdesek eman zigun Elkar disketxeko berri: «Azoka amaitu ez den arren, Benito Lertxundiren *Nere ekialdean* izango da, ziurrenik, salduena», Pantxo eta Peioren *Lapurtar kobla*-riak-ekin batean. Oihukak, berriz, «Gatiburen diskoaren 1.200 ale saldu ditu», Ritxi Aizpuruk esan zigunez. Txapel-punk eta Idi Bihotz ere «oso ondo» ari dira saltzen.

Gor disketxean, salduena Asgarthen azken lana izan zen, Jousilouli eta Adosen lanen alboan. Metak disketxean, «hiru izen nabarmentzekotan, Fermin Muguruza, Sorkun eta Betagarri» aukeratuko lituzke Asier Zuluetak, «nahiz eta Xabier Montoia eta -gailu ere ondo ari diren mugitzen».

Gaztelupeko Hotsak disketxean, Xarrak esan zuen Mikel Urdangarinen *Heldu artean* eta Tapia eta Leturiaren *Hain zuzen* direla gehien saldutakoak.




MARISOL RAMIREZ / ARGAKI PRESS


HAURRAK BERE SALTSA. Ordenagailuen guneak arrakasta handia izan du oraindik nerabazarora iritsi ez diren neska-mutilen artean.

Metak


2002




Sen "Gaizki Esanak..."




Skunk "Kinki"




Xabier Montoia "Ni ez naiz Xabier Montoia"



Sorkun "Onna"



Fermin Muguruza "In-komunikazioa"




T.L.T. "Minus"



Basque electronic diaspora #3



EH Sukarra "Galtzailearen Egunak"



Betagarri "amasa hartu"




Selektah Kolektiboa "Esperientzien Etorbidetik"

alter**Metak**



Hechos Contra el Decoro
disco de apoyo a Thomas Miller-EI
preso n.º. 000634 Corredor de la muerte
tejas, USA. CD+



100% Colgues 2CD

PIL-PIL SESSIONS

-gailu Kutxa beltza
CD+ (Musika eta Bideoa)

www.musikametak.com